

BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
OPĆINSKI SUD U SARAJEVU
Broj: 65 0 St 1001151 22 St
Sarajevo, 07.08.2025.godine

Općinski sud u Sarajevu, i to stečajni sudija Kenad Osmanović, u stečajnom postupku nad imovinom stečajnog dužnika Društvo za usluge i trgovinu na veliko i malo "PETITOR" d.o.o. Sarajevo, ul. Drozgometva bb, Sarajevo, Hadžići, van ročišta dana 07.08.2025.godine, donio je sljedeće:

R J E Š E N J E

Prijava potraživanja povjerioca Sarajevo osiguranje d.d. Sarajevo od 13.06.2025.godine, se odbacuje kao neblagovremena.

O b r a z l o ž e n j e

Rješenjem ovoga Suda od 07.07.2023. godine otvoren je stečajni postupak nad imovinom Društvo za usluge i trgovinu na veliko i malo "PETITOR" d.o.o. Sarajevo, ul. Drozgometva bb, Sarajevo, Hadžići i istim Rješenjem za stečajnog upravnika je imenovan Emir Vuković iz Sarajeva.

Predmetnim Rješenjem pozvani su svi povjerioci da u roku od 30 dana, od dana objavljivanja oglasa o otvaranju stečajnog postupka u "Službenim novinama FBiH" prijave svoja potraživanja sudu, kao i da u istom roku obavijeste stečajnog upravnika koja prava osiguranja potražuju na predmetima imovine stečajnog dužnika. Navedeno Rješenje je objavljeno u Službenim novinama F BiH broj 60/23 dana 09.08.2023.godine i izvršeno javno oglašavanje putem oglasne ploče Suda. Tim Rješenjem je zakazano i prvo ispitno ročište i skupština povjerilaca za dan 10.10.2023.godine.

Povjerilac Sarajevo osiguranje d.d. Sarajevo je podnio Prijavu potraživanja (broj 21) dana 13.06.2025.godine.

Odredbom člana 177. st. 2 Zakona o stečaju Federacije BiH („Službene novine F BiH br. 53/21 i 19/25) je propisano da će potraživanja prijavljena nakon isteka roka za prijavljivanje, koja nisu ispitana na prvom ispitnom ročištu i potraživanja prijavljena najkasnije u roku od 3 (tri) mjeseca nakon prvog ispitnog ročišta, biti ispitana na jednom ili više posebnih ispitnih ročišta, koja će na prijedlog povjerilaca odrediti stečajni sudija rješenjem, uz uslov da u roku od 15 (petnaest) dana solidarno uplate predujam za pokriće troškova posebnih ispitnih ročišta.

Stavom 5. je propisano da će se odbaciti prijave potraživanja podnesene nakon isteka rokova iz stava 2. ovog člana.

S obzirom na to da je rok za prijavu potraživanja istekao 10.01.2024.godine, a Prijava potraživanja je podnesena dana 13.06.2025.godine, to je odlučeno kao u izreci.

STEČAJNI SUDIJA
Kenad Osmanović

Pouka o pravnom lijeku:

Protiv ovog rješenja dozvoljena je žalba Kantonalnom sudu u Sarajevu u roku od 8 dana od dana prijema. Žalba se podnosi putem ovog suda u 3 (tri) primjerka.